

Infraestructura di San Nicolas negligha pa añanan largo, pero...

Renobacion di San Nicolas ta un cambio structural amplio y grandi

ORANJESTAD(AAN): E diferente proyectonan di Infraestructura awo na Aruba ta treciendo un cambio sostenibel pa futuro. No solamente e aceranan y iluminacion, e verkeersdrempel, e casnan cu un color nobo, cu cura pa prome biaha, caminda pa parkeer auto, matanan caminda no tabatin mata prome. E mehoracion sostenibel aki no ta solamente ta cambia e cara di San Nicolas pero tambe e harmonia. Cayanan cu den 60 aña nunca tabatin asfalt cu awo pa prome biaha tin asfalt y riba dje aceranan bunita di klinkers. Camindanan cu bisifanan pa prome biaha ta cana keiro den nan mesun bario. Algo unico cu ta trece mas felicidad y tranquilidad pa e ciudadanonan p'awe y pa futuro.

Un bunita ehempel ta e conocido caya, Sint Maartenstraat, cu awo a bira un caminda di un direccion y a worde drecha cu mata, caminda pa parkeer auto na cada banda. Un habitante di Sint Maartenstraat ta comenta; Melanie ta bisa con contento e ta con duro e gobierno aki ta trahando.

Cu asina Aruba lo bira un pais mas moderno y e trabao ta duna Aruba un elegancia inigualabel. Mari cu tin 15 aña bibando na Sint Maartenstraat tambe ta comenta con bon e trabao ta. Y Stefanie ta bisa cu e bario a keda hopi bunita, locual a ta haya asina great, ta e plasa cu a worde traha pa hende por sinta. Cesar ta bisa cu na comienso di e trabao na Sint Maartenstraat e tabata critico y awo cu e ta wak e resultado con bunita el a keda, e ta masha contento mes.

Y sigur no por lubida Mayrita con e ta bisa cu e strea mey mey di e rotonde a keda "Wow, esey ta algo unico pa San Nicolas"; "Mi por bin sinta cu mi amigonan den sombra fresco" e ta comenta orguyoso. E ta continua y bisa cu e gobierno aki a haci hopi cos bunita pa San Nicolas y ta conclui cu e bon



trabao mester sigui. Pa djis menciona solamente algun di e bon comentarionan ricibi.

E vision di e gobierno pa San Nicolas ta algo unico y sostenibel e cambionan treci ta mehoracionan structural cu lo engrandece e barionan

y su habitantenan. Diahuebs awo, e celebracion di Carubian, lo worde combina cu e inauguracion di e comienso di e renobacion di centro di San Nicolas. Un momento unico pa ta presenta pa celebra e bon trabao cu mester sigui.